



Na osnovu člana 38. Statuta Općine Hadžići („Službene novine Kantona Sarajevo“, broj: 15/09, 17/12, 10/13 i 14/13-ispravka 11/18 i 1/20), Općinski načelnik putem Službe za opću upravu, društvene djelatnosti i zajedničke poslove, raspisuje:

JAVNI POZIV

Za izbor najuspješnijih sportista Općine Hadžići za 2024. godinu

I

Raspisuje se Javni poziv za izbor najuspješnijih sportista Općine Hadžići za 2024. godinu, kao i posebno priznanje pojedincima »Za doprinos u razvoju sporta na području Općine Hadžići«.

II

Ovim Javnim pozivom uređuje se način izbora najuspješnijih sportista Općine Hadžići po kategorijama kako slijedi:

1. Najuspješniji sportista;
2. Najuspješnija sportistkinja;
3. Najuspješniji trener;
4. Najuspješnija ekipa;
5. Najperspektivniji sportista;
6. Najperspektivnija sportistkinja;
7. Najuspješniji sportista invalid;
8. Perspektivni sportisti Općine Hadžići (2 kandidata).

dok se posebno priznanje »Za doprinos u razvoju sporta na području Općine Hadžići« dodjeljuje dvojici kandidata ili kandidatkinja, koji su svojim radom odnosno rezultatima, doprinijeli razvoju sporta na području naše općine.

Izbor najuspješnijih, vrši Komisija za izbor koju će imenovati Općinski načelnik.

III

Izbor sportista godine je javan i provodi se na osnovu pisanih prijedloga i obrazloženja sportskih klubova i pojedinaca sa područja Općine Hadžići i šire.

Za izbor sportista mogu se kandidovati sportisti koji su učestvovali na takmičenjima organiziranim u okviru kantonalnih, federalnih, državnih i kup takmičenja na nivou Bosne i Hercegovine, na evropskim ili svjetskim takmičenjima, olimpijskim i paraolimpijskim igrama, te drugim domaćim i međunarodnim takmičenjima.

IV

Za najuspješnije sportiste i ekipu iz člana II mogu biti birani kandidati i ekipa koji imaju prebivalište (**cipsova prijava**), ili čiji je matični klub registrovan na području općine Hadžići. Komisija za izbor sportista razmatraće samo prijedloge, odnosno kandidate čiji su rezultati potvrđeni od strane sportskih klubova i njihovih krovnih organizacija.

Kod izbora najuspješnijih sportista na općini Hadžići u obzir se uzimaju ekipni i pojedinačni uspjesi (za pojedinačne rezultate navesti koliko je takmičara odnosno protivnika bilo u

kategoriji), uzrasna kategorija (seniori, juniori, kadeti, i sl.) kao i kontinuitet u postizanju vrhunskih sportskih rezultata.

V

Odluka o izboru najuspješnijih sportista saopćit će se javno na svečanosti koja će se organizovati u povodu 6. marta, Dana općine Hadžići.

VI

Prijave na Javni poziv podnose se u zatvorenoj koverti sa naznakom »NE OTVARAJ« - PRIJAVA NA JAVNI POZIV ZA IZBOR SPORTISTA OPĆINE HADŽIĆI ZA 2024. GODINU, na protokol Općine Hadžići lično ili putem pošte na adresu: Općina Hadžići, Služba za opću upravu, društvene djelatnosti i zajedničke poslove, ulica Hadželi br. 114, 71240 Hadžići, sa naznakom podataka o podnosiocu zahtjeva (naziv, adresa, telefon i dr.).

VII

Rok za podnošenje prijava po ovom Javnom pozivu teče od dana objavljivanja na oglasnoj ploči i web stranici Općine Hadžići (www.hadzici.ba), zaključno sa 31. 01. 2025 godine do 16:00 sati.

Nepotpune i neblagovremene prijave neće se uzimati u razmatranje.

Broj: 03/3-36-1-604/25
Hadžići, 13. 01. 2025 godine

DOSTAVLJENO:

- Oglasna ploča;
- Služba kabineta Općinskog načelnika;
- A r h i v a.-

Pomoćnik Općinskog načelnika
Rješenje broj: 03-04-1-15458/2024
od 27.12.2024 god.

Eldar Proha, dipl.ecc